

# **Landesbibliothek Oldenburg**

## **Digitalisierung von Drucken**

**Anno Seculari M DCC XXX. atque Ecclesiis Christi in  
Dynastia leverensi huiusque Pastoribus, Viris plurim.  
Reverendis Sacrum.**

**Reuter, Christian**

**Oldenburgi, MDCCXXX.**

[Anno Seculari M DCC XXX. atque Ecclesiis Christi in Dynastia leverensi  
huiusque Pastoribus, Viris plurim. Reverendis Sacrum.]

<urn:nbn:de:gbv:45:1-704157>

**Q**uod felix igitur faustum ac fortunatum sit christianæ religioni , totique ecclesiæ ac nobis omnibus sacrum tum posteris in primis firmum , constans & salutare.

Redit in fastis dies *quintus Iunii & vicesimus* , quem divina veritatis luce collustravit ipse Deus , tantisque rerum in ecclesia & factorum exemplis suo distinxit numine , ut una pii animorum consensib[us] publicas suscipiant laudes , ac tempus præsens , mentibus manibusve ad lætitiam compositis , solemn[us] pietatis ritu ducant concelebrandum ,

Ad initia causæ huius sic revocemus animos , nil , nisi , quod parvum , exile , aut tere contempnendum sit , deprehendamus , licet . Enim vero , quem s[ecundu]m morem secutus est Deus sapientissimus , hoc idem in tempus *Lutheri* comprobari debuit , uti *Matthesius* de ipso per quam opportune rem expressit : *Was groß soll werden muss klein anfangen.* Mirum dictu , unum quo gradu , aut citiore , aut lentiore , alterum exceperit , fueritque consecutum in rei augmenta .

Canebat *Lutherus* puer ostiatim cursitans : Tradebatur scholæ a parentibus haud in re magnis , logicis præceptis , ceterisque Philosophiæ umbraticæ involucris implicabatur ad tenebras eius temporis deamatas . Sed mediis in iis igniculi immisso adolescentis mentem , veri avidam , incendebat . Fit *Monachus* idem sine gloria *Iuvenis* : lector tandem & theologus , cui unus *Maximilianus I. Imp.* vel alter saltem *Mellerstadius* doctor occinebant vates : *Monachus hic totum doctorum gregem suscepto confundet ludo ; centeni contra , non ita multo post , menras & mercaturam Io. Texelii cum iam disieisset , monentes aut minantes subiiciebant : Abi in Cellam tuam & die : Domine miserere mei.* Vel ex verbis Episcopi *Langii* : *non est tolerabile , ut misellus monachus omnia reformet.* In Comitiis Wormatiensibus sereno animo *Fronsbergius* , eques : *Münchlein / Münchlein / du gehest einen schweren Gang.*

*Lutherus contra , aut magni aut nihili habitus , sive libero versatur in aere , sive Pathmis teneretur conclusus , rem urgebat , &*  
*... T. 19. p. 55. Regio. C. G. 150. — scri-*



scribendo , precando , legendo , prælegendo veritati operabatur .  
Omnia interim movet Papa cum satellitibus purpuratis & infulatis .  
Hinc datis promissis idem gratiosus Petrus invitat ad gremium ;  
hinc per gladios vel Bullas emittit fulmina ad discutiendum . Inci-  
tantur regna exterorum iam ad verum , iam ad ferrum , quod erat  
vaticinatus Christus . Nec suo negotio Satan deerat , subiectis tritico  
zizaniis , per religionis non restauratores sed turbatores , Carolosta-  
dium , Cingulum , Schwenckfeldium , Prophetas & Anabaptistas cleri-  
cos , aut rusticos . Gliscabant in Imperio motus . In diversa celsi-  
simi trahebantur *Principes* . Instituebantur conventus , sed optime co-  
gitata sine factis , aut cum adiectis formidolosis consultis , Wormatiæ  
anno imprimis MDXXI , promulgatis , pacem ecclesiæ ad antiquos  
mores revocandam esse , exciso Luthero & Lutheranismo , dudum  
excommunicato , quicquid optimi *Principes Norimbergæ* semel ite-  
rumque , dein *Spiræ Nemetum* gravissime protestarentur .

Annus tandem divinitus ad memoriam constitutus , qui supræ  
millesimum quingentesimum erat trigesimus , illucebat secundo omni-  
ne & sermone memoria sempiterna digno . Sermone inquam , aut  
gravissima potius oratione mensis anni commemorati primus initia-  
dabat lucis perrumpentis . Legas *Cœlestini* historiam Comitiorum , Au-  
gustæ habitorum , primis statim lineis , atque suavissima cum animi  
voluptate conspicias dictorum summas , collectas ex iis , quæ man-  
dato *Caroli V. Mercurinus* , Cæsari qui erat a consiliis & scriptis ,  
magna prudentia de corruptissimo ecclesiæ Rom. statu eiusque emenda-  
tione est præfatus ; tum , quæ *Carolus ipse* , admodum adhuc iuvenis ,  
mirabilis & vocis & vultus gravitate *Clementi Papæ* sub oculos re-  
posuit .

Suadebat *Carolus* synodum , verbis Imperatore dignis : *Ut cognitio*  
*ordine possit fieri , veterum Imperatorum exemplo adfuturus sum , &* , quan-  
*tum potero , efficiam , ut ha leges iustissime serventur , utraque pars pariter*  
*audiatur & sententia non tyrannicis arbitriis ferantur , sed iuxta leges ,*  
*videlicet iuxta doctrinam , quam certum est , a Deo traditam esse .*

Dissuadebat *Clemens* , & responso quidem ecclesiæ capite pro-  
sus



sus indigno perorabat. Finis enim ibi & fulmen idem : Reliquum est  
igitur, ut, sepositis synodis CAROLE, armis pacem restitutas. Hec cum  
dixisset Pontifex, verba sunt Cœlestini, iubet Carolus, quia non decreve-  
rat a sua sententia discedere, Mercurinum, refutare Pontificis Orati-  
onem. MERCURINUS itaque iussus dixit : Multas esse causas motas, qua  
in superiorum seculorum synodis non sint agitate, & paulatim novos mor-  
bos in hac senecta mundi in ecclesia pervasisse, quibus querenda sint reme-  
dia. Hæc cum ille gravissima Oratione exaggeraret, interpellat  
Clemens Pontifex torvitatem vultus & vocis tyrannidem ostendens &  
inquit : Quare tu mihi sic contradicere andes, & Dominum contra me  
incitas.

Hic surgit ad dicendum Carolus ipse. Mirantur Principes, quid  
iuvensis dicturus sit, & attenti audiunt omnes; fuitque hæc gravissi-  
mæ Orationis summa : Agnosco, me iuvensem esse, & huins Mercurini  
& aliorum sapientum consiliis uti me fateor, & debere me sapientiores au-  
dire, iudico, sed scito, & Mercurinum, quæ dixit, meis mandatis dixisse,  
& me ab hac sententia donee vivam, non recessurum esse. Tuum consili-  
um speciosum & plausibile profanis videri potest : Sed meum & iustum est &  
ecclesia convenientius, & si non impediatis, Deo iuvante, spero, humano ge-  
neri salutare futurum esse. Nec illa terribili oratione tua abducor a sententia,  
quod non sit audienda disputatio de absurdis & inextricabilibus. Nam nec  
omnia, quæ nunc disputantur, absurdâ sunt, nec sunt ulla  
in extricabiles questiones in ecclesia de rebus necessariis. Ultra,  
que pars pariter audiatur & sententia non tyrannicis arbitriis ferantur,  
sed iuxta leges, videlicet iuxta doctrinam, quam certum est, a Deo traditam  
esse. Nunc vero quod iubes, ut sine diiudicatione bona pariter & mala de-  
leam, id nequaquam faciam. Nolo enim ex ecclesia tollere legitima iudi-  
cia & constitutere tyrannidem.

Pervicit autem Pontifex tandem Bononia ut Carolus imminueret  
gratiæ consulta, & Patri Rom. promitteret, primum se amicis &  
pacificis rationibus Lutheranos ad obedientiam Rom. ecclesiæ redi-  
eturum, aut, si pertinaciter recusarent, armis se oppressurum esse  
pervicaces.

Quo constituto indicari facit Protestantium Principibus Cæsar,  
lit-



litteris in Germaniam die 21. Jan. 1530. dimissis, Conventum Imperii Augusta Vindelicorum habendum esse, quo, præter res bellicas, religionis caussa tractaretur, ut partium sententiæ inter se omni charitate, lenitate & mansuetudine mutua audirentur, & coram penderentur, res tandem omnes ad unam simplicem veritatem & concordiam christianam componerentur, una adeo sincera & vera doctrina servaretur.

Atque hæ ipsæ Cæsaris litteræ caussam dabant & originem, condendæ, ac scripto latine, & germanice comprehendendæ summae cuiusdam ac formæ sanorum verborum, quæ exhiberi posset in publicum. Iubent ergo Principes evangelicam doctrinam amplexi, theologi ut sui conferrent inter se ac colligerent necessaria. In primis *Johannes*, Princeps Elect. Saxon. id egit, ut impositum quod erat, perficeretur. Dispiciunt adeo Doctores, consignant & congerunt. Quæ res cum ad Lutherum potissimum spectaret, ipsique transfigenda, incumberet & demandata esset, articulos septendecim composuit, quos *Melanchthon* deinde, *Augusta* hærens, collatis inter se aliorum quoque sententiis, fixit stilo suo ac methodo formavit. Interea cum lenissimis verbis *Bononia* acerba quædam adiecisset *Carolus*, veræ hostes doctrinæ clamores suscipiebant, triumphantes ante victoriam, *Lutheranos omnes plane obtritos & deletos iri, nec multis opus esse conventibus*. Ancipiti utrinque cura iactabantur summi principes, dubii num armis cingerent se, vel doctrinæ argumentis. Posterior vicit, Luthero subiectis suspiriis, votis, & rationibus deprecante bellum, uti pacis ille suusor semper fuit, quo evolvas *Hortleder*, in Ursachen des Deutschen Kriegs prim. annis.

Lætis sic animis atque in Deo obfirmatis fit concursus: Augustanum iter primus Dominica *Indica* ingreditur Saxo Dux atque Elector, *Johannes*, Comites fidei ac viæ secum habens, præter theologos, filium *Johannem Fridericum, Franciscum, Ducem Lüneburgensem, Wolfgangum Anhaltinum*: Sequebantur Comes *Mansfeldensis, Philippus Hassi Landgravius, Georgius Marchio Brandenburgensis, Ernestus Dux Luneburgensis*; quibus accedebant civitates quædam. Confluunt magno numero alii, quorum pars tacite favebant, aut silebant, pars iactabant



minas. Moræ etiam iniecta viis Cæsareanis. Ex octavo enim *Aprilis*, qui comitiis designatus erat, existebat *Maius*, atque ex Maio *Iunius*. Multorum animos subibant præfigia tempestatum, quæ nimbis, procellis, turbinibus concuterent omnia. Augustani octingentes pedites, urbis tuendæ causa, conscriperant, hos Cæsar exauctoravit, substitutis Cæsareanis. Prohibebantur conciones Evangelicorum. Trepidabant theologi. Calatum scribens manu vix tenere poterat *Melanchthon* præ metu futuri. Oratores contra & nuncii Romani Patris, *Vincentius Pimpinellus*, & *Laurentius Campegius* tam magni illius gregis alii perorabant coram *Carolo* & *Ferdinando* usque ad hunc *Calophonem*: *Vale Cæsar Vade, pugna & Vince, incide, separa, discute.* Atque id tertio vel pridie ante lætum Confessionis diem. Cogites retro, quam conturbarint hæc omnia summorum & præsentium Principum & Ducum animos, quamque inter spes & millenos metus & fluctus navis Christi fuerit iactata. Accedebat admitti posse, confessio quidem ut exhibetur & tradatur, negari autem, prælegatur ut eadem publice vel privatim audiatur. Rex in primis *Ferdinandus* in ipso confessu prehendit nunc hoc, nunc illud, insurans in aurem, & nec conquievit, donec eo die impediret recitationem, teste *Cœlestino*, cuius sermo est de die 24. Junij,

Sed his quoque feliciter per preces & rationes ad partem superatis, id tandem exortum est, ut die uno illo, iucundissimo *XXV. Iunii*, sole quidem vertente ad vesperam, lux tamen nostris affulserit, adeo, ut hora a meridie secunda, in Palatio Cæsaris, per *Beyerum*, sublata ac sonora voce in summo audientium coetu, coram Imperii statibus, prælegeretur Confessionis forma.

Formam dico non sine caussa. Formæ enim & formulæ nomen magna & mira excitavit in utramque partem. Pia gravitate, qua decet in divinis, formam condere iubebant Principes ex optimi ipsius & moderatissimi Imperatoris pia voluntate, cum de primordiis reformationis ageretur. Magistri & concionatores operi subiiciebant manus. Norma erat scriptura, ipsa, quæ formæ nomen a Deo accepit. Hinc FORMA Confessionis Augustæ exhibita, atque, fulminis instar, universum orbem perrumpens.

Seque-



Sequebatur annis fere abhinc quinquaginta Declaratio ac repetitio illius piæ Confessionis maxime in Saxonia, quæ singulari de causa titulum accepit *Formula & quidem Concordia*. Rationes impositi nominis reddunt summi, Electores, Principes, & sacri Ro. Imp. in Germania ordines in præfat. libri quod *vinculum charitatis Christianæ*, & pium consensum, contra corruptelas per falsos fratres introductas & contra temporum dissolutionem voluerint dare. Subiiciunt illi tandem: *Hanc confessionem etiam, Deo nos bene iuvante, usque ad ultimos spiritus, pie ex hac vita ad coelestem patriam migraturi, tenebimus, excuso & intrepido animo, puraque conscientia comparituri coram tribunalibz Domini nostri Iesu Christi.* En quantum honos Formæ ac Formulae! Bene *Waltherus B. Wittenbergensis* in mscr. *Formula dicitur a modo & ratione loquendi in Ecclesia*, quippe quod hoc scripto cœtum fuit, ne liberum esset hominibus turbulentis pro arbitrio suo de rebus dogmaticis loqui.

Sed, miremur temporum iniquitatem hominumque furores, quod tantas honori lordes adiicere molitus sit hostis stercorius. Augustana Confessioni, quæ iniectæ sint magnis plaustris, consignarunt post Melanchthonem & Lutherum, auctores maxime Saxonici im Aug. Apffel anno 1628. und in Haupt. Vertheidigung des Aug. Apffels Anno 1630 contra Forerum, Land. Herrn, aliosve in maiestates & ipsum ecclsum iniquos. *Confessioniste!* Id tituli reportabant summa capita & Principes & Ordines & Doctores, sicut *Formularum discordium scomma præmii loco*, pro aliquot millenis nummis & curis, acceperunt auctores Concordiæ. Omnes norunt, conferendos hic esse *Hospinianum & Hutterum: Massonium & Wellerum, Hoejum, cœteros.*

Ecquid vero suscitarim orcum antiquum, novum cum habemus? Quid virulentius a ICtis quibusdam scriptum quam de Confessionum formulis? Quid contra ledius vel abiectius aut levius responsum est a theologis, ac pro formulis? Sed quid multis? In lusum & jocum hodie abiecti omnia. Est, qui superiore anno publica in Academia, temporis locique novi felicitatem prædicaturus, scribebat: *Exortam esse fortanam, qua, divino nutu, theologia ista & orthodoxia antiquior formularia se posuit, vel obiter tra-*  
*ctan-*



stända data, atque eius loco per pios viros, quorum adiiciuntur nomina, adducta sit pia illa, pragmatica, pectore haurienda theologia.

Bone Deus! in quas Lutheranos servasti tenebras? At vero causa dudum data Deuter. XXVIII, 28. 2. Thessal. II, 10. Apoc. II, 5. 2. Pet. III, 16. Quo autem effera temporis secesserit licentia? Quanta vis ista opinionum præjudicatarum in iis, omnium alioqui de præjudiciis, qui conqueruntur? Quæ germana illa fides & integritas hominum, iam bene pro lubitu, iam male dicentium, uti vel odii vel invidiæ, vel amoris, ex partium studio, exsurgunt motus? Hoccine est punctum, aut hinc fructus sunt pietatis pragmaticæ & restauratæ, vel sapientiæ, quam venerari debeat orbis universus? Quale id signum, vel civile saltem, honoris in Confessiones publicas, earundemque auctores, summos Principes, qui illas ipsas formas repagula voluerunt esse pacis Germaniæ publicæ? Dicas vero tu: *theologiae formulariae lepida usurpatione non tangi confessiones publicas!* Imo obsecæ naris sit, qui non olfecerit fumum! Quicquid autem vel festivi sermonis sit, vel subsannationum, neutrum in re seria viros graves decebat.

Sed, omissis deliris nugamentis, ostendam paucis, cunctis & prorsus ex Dei voluntate necessarium esse, FORMAS in divinis ut habeamus. Lex & testimonium V. T. in ordinem tabularem, ac summas, redacta erant, Exod. XX. XXXIV. Levit. tot. Deut. VI, 4 - 9. XVII, 18. XVIII, 15. Ex N. T. quid aliud sunt, quam formæ fidei Christianæ ac Lutheranæ, quæ extant Luc. I, 68-79. XXIV. 44-49. Ephel. I, 3-14. Ne quid adiiciam de integris epistolis ad Rom. & Galat & Ebr. in quas hodie rariores habentur prælectiones vielleicht weil diese Biblische Bücher die heutigen Religions- und Christenthums Mengereyen und corrupkeiten gar zu deutlich weisen. Discant rudes rerum theologicarum, quid sit ad Roman. VI, 17. Τύπος Διδαχῆς, & quid 2. Tim. I, 13. Ὑπὸ τοῦ πατερὶς ὑγιαινόντων λόγων, quo conferas in h. l. Theophylactum, Aretium, ex nostris Zentgravium. Sive autem hæc forma intelligatur de ordinata idea in mente solum circa substantiales veritates



tes divinas, quam mavult *Buddeus*; sive in scripto consignata, rem  
ad unum recidere, videmus.

Idem de formularia theologia probo ex moribus antiquæ Ecclesiæ, in qua Doctores *Symbola*, *institutiones*, *expositiones* & *sermones* de fide, *Dialogos* item & *dogmata* composuerunt, quorum summa quæ fuerit, ex *Ignatio*, *Iustino*, *Athenagora*, *Ireneo*, *Origene*, *Cyrillo*, *Gregorio*, *Nicæno*, *Augustino*, &c. breviter, quoad partes, ostendunt *Forbesius*, *Polanus*, *Cave*, Nat. *Alexander*, *Witsius*, *Spanheim*, in primis *Chemnitius noster*, & *Foertschius*, & *Buddeus* tandem, cum iudicio tamen legendus.

Secula lubens prætereo tenebricosa, atque huius tantum memini, inter *Lutheri* & temporis & *Doctrinæ* labores fuisse formas Catechismi. Anteibat in gravioribus *Melanchthon*, qui ea de cœla primus fere recentioris theologiae systematicæ auctor, judice *G. Calixto*, habetur, ac qui titulo locorum theologorum disponebat theogiam, quam maiore rerum & antiquitatis- apparatu ac luce explicabat summus *Chemnitius*. Plures nolo in scenam adducere, qui locos, *enchoridia*, *explicationes*, *examina*, *institutiones*- *breviaria*, *apodixes*, *isagoges*, *theologias*, item ut vocarunt, *positivas* condiderunt. Verendum enim mihi est, ne cachinnis & scommatibus excipiar tanquam formularius, recensendo theologiae formulariæ auctores.

Sed quid vero egerunt auctores novi, & conditores theologiae pragmaticæ ac efficacis? Nonne modo pari confarcinarunt formas? Nec Brocaudicorum antiquo-novorum formæ aut formæ desuauit iurisprudentiæ! Sed quis invideret, aut horum castra invaderet, dummodo bene forent omnia. *Lutherus* autem suo tempore de noto *Bodensteinio*: Ich weiß nicht / was er damit meine / daß er so viel Bücher macht / auch von einerley Sache / und wohl auf einen Bogen möchte bringen / da er zehen zu verderbet / vielleicht hört er sich selbst so gern reden / wie der Storch sein Flappern. : Denn es ist sonst weder Eicht noch Gestalt in seinem Schreiben / und möchte ein

ner so lieb einen Weg durch Hecken und Büsch brechen / als seine Bücher durchlesen. Aber es ist ein Zeichen des Geistes. Der Heilige Geist kan fein hell / ordentlich und deutlich reden / der Satan mummelt und kauet die Wort im Maul / und wirft das hundertst ins tausende / daß es Mühe kostet / ehe man vernehme / was er meinet.  
Tom. Altenb. III. p. m. 55.

Superius positis id adiecerim, quod primo ferme loco erat præstruendum, Deum scilicet sapientissimum nobiscum agere *naturæ humanae convenienter* ad divina quoque percipienda. Hunc enim in finem intellectus nos viribus instruit per verbum in Spiritu S. ut primo singularium rerum notiones capiamus, nexus dein ad fidem divinam perspiciamus, porro, quæ sit Dei veritas in causis ad salutem, iudicemus. Iam vero sive ideas & notiones earundemque nexus tacita mente comprehendamus, sive exprimamus voce, aut scripto consignemus, res eadem est, dummodo loquamur cum Spiritu Dei. Hinc est, quod monemur, non solum *Ἐργα τὸ ἀνθρώπον λέγεται*, I. Cor. I. 10. Item *προσέρχεται οὐγιανός λόγος*, I. Tim. VI. 3. Memoriæ hominum labili, & avertendis confusis corruptelis remedium ut poneret, Deus, Scripturam suam verbis consignandam curavit, ut *exemplar*; quare idem non liceat in *imagine* inde efformata: Theses enim Theologiae veræ ex SS. excerptæ, atque in ordinem redactæ quoad substantiam, quid aliud sunt, quam theses, sententiæ, verba & nexus ipsius S. Sæ. *Theologeus*: Quicunque ergo has S. Sæ. summas, formulariam dicit *theologiam*, i. e. verba & res sine pragmate, sine vita & efficacia scripturam ipsam rem dicit esse mortuam, inanem, absque efficacia & spiritu, aut repetendum est, antiquum illud caco-mythicum, millies explosum atque in Deum iniuriosum: agere media divina pro diversitate hominum, qui alii id proponunt, item: Non multum opus esse intellectu, aut notionali theologia, multo minus formulæ, quæ sint contra spiritus & prudentiæ libertatem. Thomasius olim: Alle Systemata kommen von Sæcten her: haben Grr. thünier: haben das Hauptfalsche Principium, daß der Glaube ein opus intellectus sey: Theologie sey keine Scienz, En absolutismum pragma.



pragmaticum, quem lenire poterat rerum distinctio, ac moderationis verborum.

His quidem viis recta progredimur ad religionem quandam naturalem, universalem, indifferentem, moralem, quæ communis esse possit & apta omnibus hominum sectis, quæve allegorica quidem contineat mysteria nonnulla credenda, sed in quibus non multis notionibus, multo minus vocibus, formulis, aut distinctionibus opus sit, cum præcipius cardo vertatur in agendis, & pia vita, atque huius religionis substantiam inesse omnibus omnium terrarum hominibus, sive exterius ethnici sint sive profani aut Christiani cluant. Hæc Friedlibiana est reformatio, hæc theologia ista pia, pragmatica, nec terminis horrida. Repeto hic, quæ anno 1715. scribebam : Fället nun also das Kleinod der reinen Lehre / sonderlich in Glaubens-Puncten / hinweg ; was bleibt doch zwischen einen Christen und Heiden vor ein Unterscheid übrig ? Auf solchen Schlag werden die ehrbaren Grau-Köpfe der alten Philosophen die ehrenwürdigsten Patres ecclesiæ abgeben. So sind Socrates, Hierocles, Arrianus, Antoninus, Epictetus eben so gute moralisten als Paulus. Aus Senecæ des thöricht also genandien Bey nahe Christens epistolis können gar schöne Sonntägliche Lectiones entstehen. Commodissime magnus Pseudendorfius, sidus illud Politicorum, qui Ictus erat, sed Christianus simul cum Brunnemannno aliisque manebat, in *Iure Feciali*: Wolte und würde man in der Christlichen Religion nichts mehr von Lehrern des Glaubens und andern Geheimnissen Gottes / nichts von Christo und vergleichen Puncten recht erklären oder wissen wollen / so wäre unsre ganze theologie etwa eine gute morale, die auch aus denen Heyden könnte gezogen werden.

Duo hodie extant libelli apprime omnibus commendandi : Unum scripsit Buddens Ienensis de *Atheismo & Superstitione*; alterum edidit Wernsdorfius Wittebergensis de *Indifferentismo*. Utinam & o si legerimus unum, nec neglexerimus alterum, cum apertissima hic & mente & manu velamina seculi huius ultimæ Syrraxeos appetuerit & detraxerit. Aber das ist ein Stück des grossen heutigen Elendes/



Eßendes / daß sub scommate der Orthodoxen die auch nothwendigst und gründlichst geschriebene Bücher nicht einmahl mit dem linken Auge angesehen / geschweige gelesen werden / und die besten Leute den Titul und Hut bekommen derer Orthodoxen , derer Zäncker / Lästerer / Hausdegens / Heuchler / Polstermacher / &c. von welchem Unrat ganze Füder könnten aufgeschlagen werden. Sed experturi sunt posteri proh dolor ! quid his flammis non fatuis, sed orco dignis sit confectum.

Si obieceris autem , nihil effici formulis in divinis mysteriis , quum in iis sint maneantque inextricabilia quedam , repono , quod reponebat olim sapientissimus Carolus Imp. Clementi Papae idem causanti : *Illa vox Pontifice indigna est , quod ais : quedam inextricabilia esse : DEUS IMMENSA BONITATE SE PATEFECIT , & vult nos amplecti doctrinam , QUAM IPSE TRADIDIT , quæ si esset ambigua , inanis sonus esset.* Vid. Coletinus , hist. comit. init.

Quodsi pergas , sat gratiæ & doctrinæ orthodoxæ fidei tractatum esse superiore tempore der Gnaden Predigten und des Evangelii wäre gnug / aus dem Überflüß wäre nur Missbrauch und ruchloses Leben erfolget / Lutherus hätte das eine reformiret / das andere wäre in der alten Verderbniß geblieben / es wäre ein mahl Zeit / daß das andere nach geholet würde ! cum Cicerone exclamarim , delirationem incredibilem & reformatissimum novum , qui per medium fere seculum tantum sanctæ scil. novitatis dedit , ut totus prope orbis fuerit factus pius , honestus , socinianus , arminianus , arianus , stoicus , socraticus , omnia ad unum nexus & tresque . Has Deus gratias accepit pro abundantissima gratia sua evangelica ! Hæc retulit præmia Salvator pro summis ad redimendum perpessionibus ! Has suscipiamus ovationes pro evangelio & evangelica Confessione in maiora certe Romanorum gaudia , & Lutheranorum planctus ! Lutheranus pius & Socinianus hodie idem . De reditu Lutheranorum ad antiquam matrem Eccl. Rom. Cathol. iam impense gaudent fratres scil. catholicæ maxime ex causa , quod non tam fidem , quam bona urgeant opera , uti ex scriptis manifestum Confessionis Augustanae tempore longe alia rerum facies , alia Lutheranorum mens.



mens. Cum enim ageretur de recipiendis quibusdam, qui, licet dissentirent in doctrinæ capitibus, pie tamen sentirent & viverent, Melanchthon & Brentius, literis ad Comitem Provincialem Hassiacum Ludovicum missis, respondent: *Illustrissime Princeps, ea theologia, quæ honestam vitam coram Deo, quam puram doctrinam pluris estimet, unde originem suam trahat, nos latere & fugere nequaquam potest.* *Quodsi hoc in loco consisteret, multi philosophi in Christianorum numerum essent referendi.* Neque doctrina ex honesta vita, sed ex verbo Dei iudicanda & estimanda est.

Intermittere non possum, quin adducam verba Fr. Burmanni, theologi reformati aperte sua agentis & proponentis: Recedendum est, tum a Pontificiorum erroribus, qui se bonorum operum tantum non idololatras saepe reddunt; tum ab Antinomorum furoribus; ut interim non concedendum sit vulgi præiudiciis, quæ etiam inter multos Reformatos tantum non obtinent, quibus, innato humanæ naturæ errore, ad operum iustitiam identidem revolvuntur. Quale est: *Christianæ religionis præcipuam partem vite probitatem ac morum doctrina absolvit.* Quod insincerum est. Cum enim salus nostra, non hominum, sed Dei opus sit; istud Dei circa humanam salutem opus recte tradere, explicare, agnoscere & fide amplecti, *veræ religionis fundamentum & summam constituit, eamque ab aliis sectis & peruersis religionibus distinguit.* Unde non doctrina operum sed fidei ac gratiæ Christi, salutis fundamentum, & religionis nostræ pars excellenter est, eoque & primum tradenda venit, ut doctrina morum ei tanquam basi innitatur. Quæ & Icripturarum methodus est. Sicut surrexit Christus ex mortuis per gloriam patris; ita & nos in novitate vite ambulemus. Rom. 6.4. Magna vero Ecclesiæ corruptio hinc orta est, quod Christianismi substantia in bonis operibus collocata fuerit, sensimque Evangelium & doctrina gratiæ isto operam studio abolita, inque novam legem ac Philosophiam quandam communitata, tandemque propria iustitia erecta fuit.

Huc pertinent & alii huius generis errores: bona opera, ac præcipue charitatem, esse primariam ecclesie natam, ac maxime visibilem christianam.



christianismi characterem; melius esse habere pietatem, quam fidem: ac satis fere dari in ecclesia scientiae, modo adsit pietatis studium; & nimium propemodum ista in parte laborari, desertis potioribus: nec enim magna quedam scientia ad salutem acquirendam opus esse: Sed sufficere eam, quæ summam religionem præcipuaque eius capita spelet: in sanctitate autem, in virtute, in bonis operibus omnem cardinem verti, atque ipsis solis cœli portam patere. Unde & doctrinas morales pro concione tractatas populi auribus magis placere videoas quam enucleatam mysteriorum fidei explanationem; ex naturali videlicet præjudicio, cum operum studium natura hominibus insitum sit, fidei autem dogmata, ut longe supra captum nostrum posita, rationi minus arrideant: Quæ quam perplexa sint & quantopere fidem Christi, publicamque eius confessionem, ac Dei gloriam, quæ ea constat, laedant, & quam turpe charitatis ac fidei divertium introducant, istas sententias ultra attinet. Hucusque Burmann synops. theol. lib. 6, c. 8. n. 10.

Atque ex his tandem subducere possem rationes, & constituere dictorum summam, qui demum quantive fructus essent theologiae istius excelsæ, vivæ, efficacis & pragmaticæ, quæ formulariæ superior sit, & selectis, sive adeptis, quibusdam viris, spiritu plenis, singulari Dei munere sit concessa. Sed vulnera nostra aut temporis scabiem quid iuvat refricare? Ad peius atque ad veritatis confusionem: reformare conqueri de omnibus: criminari audacter: scurilem in modum calumniari: rixas ferre & contentiones: & ore & vultu & gestibus nil nisi arrogantiæ spiritum spirare: excolare culicem; camelum autem deglutire: agere presumendo: de optime meritis abiectissime, de pessimis blandissime loqui: canonizare peccatores, & orco dare sanctos, qui non sunt de grege: ignorantie fratres laudare, dummodo precantes sint: pessimare solidam eruditionem: disiicere unita: coniungere lucem & tenebras: Verbo: ex christianismo hypocrisin & Socinismum, tum moralismum communem & stoicum & socraticum & gnosticum efficere, hæc qualia sint ornamenta temporis mœrentes iudicemus. Væ nobis, si non urgeamus pietatem! Væ autem durius, si confundamus omnia! Simulata enim sanctitas est duplex iniquitas, ut iam Hieronymus iudicavit. Sed



Sed VOS alloquor, VIRI FRATRES, ad vos una veritatis si-  
deique & doctrinæ consensione suavissimomie converto. Vestri quidem  
causa hoc, quicquid est scriptoris, suscipere non fuit opus. Sed,  
publicæ Confessionis annum cum agamus, id agere volui, publica  
ut coram Ecclesiæ facie proponam & tester, ecclesias quæ Christo  
in dynastia nostra Ieverana, & vicinis colliguntur, Augustana Confes-  
sionis, veræ illius nec mutata ac Formula Concordiae omnino & sigilla-  
tim esse Socias, tum iisdem ecclesiis de VOBIS Viris integerrimis  
& veri servantissimis latus ut gratularer, omnes denique ut con-  
stantes simus, monendo & comprecedando suscitarem. Deterius ut  
sentiam, quid me moverit? Fieri quidem potest, aliquando, spe  
aut opinione ut fallamur, ac quod ethnicus Orator conqueritur, idem  
compleatur in christianis, esse homines, in quorum animis latebra sunt &  
magni recessus quorumque quidem species sit honestissima, voluntas vero &  
ratio impudentissima. Sed nec scio, neque præsumo. Veritatis su-  
mus ministri, in qua apertum pectus videt Deus, callidum contra &  
occultum & astutum & vafrum & multiplex iudicabit idem, qui est  
vindex veri. Non sine causa inter textus, quos summus Episco-  
pus noster IOHANNES AUGUSTUS Anhaltinus, & que ac Ieveranis  
nobis, per ferias seculares impoluit, relatum est dictum, quo ad Tri-  
bunal Christi provocat Apostolus i. Timoth. VI. 12-16. add. comm.  
20. Coniungas i. Tim. V. 21. & 2. Tim. IV. 1. Ad exemplum evolva-  
mus maiorum nostrorum obtestationes in verbis, quibus præfati i illi  
sunt Aug. Confess. & Form. impr. Conc. Hæc legamus, ut imi-  
temur. Ecclesiæ ministri primi fuerunt, qui in tractu nostro Con-  
fessionis doctrinam suscepserunt, & vel murmurantibus, vel min-  
tantibus, incolis & civibus, aut primo quoque superioribus, strenue  
urserunt, quinque iam annis ante, quam Comitia Aug. haberentur.  
Et cum notum illud INTERIM Anno 1548. severius iniungeretur ce-  
terique trepidarent, aut iuberent, præcipui Pastores submissum testa-  
bantur sed constantem simul firmumque & apertum dissensum. Hæc  
ordo noster, qui prædecessit, & tempore quidem instantis perse-  
cutionis. Quid quæso nos decet, aura cum fruamur liberiore?  
Quanta nos constantia obfirmemus in Deo animum, cum, quid con-  
fiteamur, noverimus, quæ vel iurata fide data, non per Quatenus,  
sed



sed per *Quia*, non per pium affectum solum, sed per verum sensum,  
Deo conscio, subscripserimus probata. Quanta in Deum & Prin-  
cipes devotaque mente sequi nos decet, cum habeamus SERENISS.  
IOHANNEM AUGUSTUM, qui lucem nobis præfert celsissimo  
exemplo, atque vestigiis summorum MAIORUM, Wolfgangi Con-  
fessoris, Georgii Docentis, Iohannis Constantis, Caroli Wilh. in Deo  
Magnanimi ne tramite mutatoa insitit! Servet Deus nobis hanc  
lucem! Servet Sereniss. Duciss. HEDWIGAM FRIDERICAM: Per-  
petua ornet felicitate Domum Anhaltino - Servestanam, omnesque  
huius ex utroque latere Serenissimos Serenissimasque Principes, omnes &  
singulos qui unam augustam illam Veritatem nobiscum confitentur.  
Ita bene sit patriæ! Vigeat Servesta! Floreat Ievera! iubilent Ec-  
clesiæ. Personent Scholæ! Deus cum omnibus, veritatis eius no-  
men qui verentur! Faxit idem immortale Numen, plures ut cen-  
tenos per annos posteri, & qui nobis succedent, una fide  
& voce fideique & conscientiæ libertate Iesu Christi  
veritatem & gloriam læti & ovantes  
confiteantur.



# Farbkarte #13

Cyan      Green      Yellow      Red

Magenta      White      3/Color

Black

B.I.G.

